

28 APR 1996

KERAJAAN MALAYSIA KIRIM PERUTUSAN TAKZIAH KEPADA PRES SUHARTO

KUALA LUMPUR, 28 April (Bernama) -- Kerajaan Malaysia hari ini mengucapkan takziah kepada Presiden Suharto di atas kehilangan isteri beliau, Ibu Tien yang meninggal dunia pagi ini setelah diserang penyakit jantung.

Menteri Luar Datuk Abdullah Ahmad Badawi berkata kerajaan dan rakyat Malaysia mengucapkan takziah kepada Suharto, keluarga beliau dan rakyat Indonesia.

Menurut beliau, Perdana Menteri Datuk Seri Dr Mahathir Mohamad, yang menerima berita ini pagi tadi, akan menghadiri upacara pengkebumian bersama isteri, Datin Seri Dr Siti Hasmah Ali.

Suharto, dengan persetujuan ahli keluarga dan saudara mara, memersetujui supaya Wanita Utama Indonesia itu dikebumikan di perkuburan keluarga di kampung Kaliten, Surakarta (Solo), tempat lahir Ibu Tien.

Upacara pengkebumian akan diadakan esok.

Ibu Tien, 72, yang nama sebenarnya Siti Hartinah Suharto, meninggalkan suaminya Suharto, enam anak yang semuanya telah berkahwin kecuali anak lelaki yang bongsu, Hutomo (Tommy) Mandalaputra dan beberapa orang cucu. -- Bernama

MGM WAT AHH